

灌縣志卷十五

紀第一

政績紀

周吏 漢吏 晉吏 唐吏 五代吏 宋吏 元吏 明吏 清吏

民國

昔鄭僑卒而遺愛著稱欒公去而邑人祠祀所謂不沒人善者非耶吾灌良吏代不乏人惠及一方位尊亦錄前志既詳矣時世推移寧無繼起拾遺補闕自應規隨清季以還守是邦者或以才聞或以德顯不加撫拾必致珠遺滄海魚目混同莫辨賢愚安所矜式微特失成美之意亦甚幸為善之心爰綴輯之並苴罅漏昭茲來許勿悖勿忘

開明者一曰鼃靈荆人也為蜀王杜宇相蜀自大禹導江始有水利閱千餘年而水患復滋開明為決玉壘山遂以底定王因委以政而禪位焉山在今灌口西湔水所出也

錢茂都江堰功小傳

蜀守李冰鑿離碓以避沫水之害穿二江成都中此渠皆可行舟有餘則用

灌縣志

卷十五 政績紀

浸溉百姓饗其利至於所過往往引其水益用溉灌田疇之渠以億萬計

詳史

記河渠書確古堆字漢書溝洫志作埤

華陽國志云秦孝文王以冰為蜀守冰能知天文地理壅江

作壩穿郫江檢江別支流雙過郡下以行舟船岷山多梓柏大竹頽隨水流坐致材木工省用饒又溉灌三郡開稻田於是沃野千里號為陸海旱則引水浸潤雨則杜塞水門故記曰水旱從人不知饑饉時無荒年天下謂之天府外刻水犀五頭以厭水精穿石犀溪於江南命曰犀牛里自湔堰上分穿羊摩江灌溉西於玉女房下白沙郵作三石人立之水中與江神約水竭不至足盛不沒肩又隨作通文井江經流邛與蒙溪分水白石江會武陽天社山下合江又導洛通山洛水或出瀑口經什邡與江會新都大渡又有綿水出紫巖山經綿竹入洛東流過資中會江陽皆膏潤稼穡故蜀人稱郫繁曰膏腴綿洛為浸沃也又識齊水脈穿廣都鹽井諸陂池於是盛有養生之饒

時青衣有沫水出蒙山下伏行地中會江南安觸山脇溷崖水脈漂疾破害舟船歷代患之冰發卒鑿溷崖通正水道迄今蒙福按遷史言冰鑿離確避沫水證以常志知沫水在蜀南與穿二江爲兩事其他疏濬類皆江沱支流而功莫大於都江堰子二郎助父治水與有力焉清封冰爲敷澤興濟通佑顯惠襄護王歲時致祭

二郎李冰仲子也史佚其事名字無徵性喜獵世所傳異蹟薦紳先生難言之可考者惟作五石犀以厭水怪穿石犀溪於江南與其友七人斬蛟又假飾美女就婚蟹鱗以入祠勸酒或謂即冰爲牛鬪刺殺江神事語多傳會詳見水經注然朱熹云二郎與文昌分踞是其克迪前光以得全蜀人心固有在也清封承績廣惠顯英王載入祀典都江堰功小傳

王發見蜀典姓源韻譜與冰同穿二江今人知有冰而不知有發雖志大遺細記載亦

灌縣志

卷十五 政績紀

二

疏矣見楊升菴集又羊摩者不知何許人灌西羊馬河本名羊摩江李冰所穿也酈道玄水經注引益州記言之徵諸輿地紀勝引杜光庭治水記楊磨有神術於大阜江側決水墾田與龍爲誓意者磨輔李守江得是名嘉厥績也於古有徵惟姓名音讀稍異耳灌記以羊摩江爲羊子河屬於北江則與大阜江無涉

文翁寰宇記云名黨舒城人好學通春秋景帝時爲蜀郡守仁愛好教化見蜀地僻陋乃選郡縣吏開敏有材者張叔等十餘人親自飭勵遣詣京師受業博士又修學官於成都市中招下縣子弟以爲學官弟子由是大化蜀地學於京師者比齊魯焉至武帝時乃令天下郡國皆立學校官自文翁爲之始漢書循華吏傳

陽國志云漢文帝末年以文翁爲蜀守穿湔江口灌漑繁田千七百頃時世平道治民物阜康承秦之後學校陵夷俗好文刻翁乃立學選吏子弟就學遣雋士張叔等十八人東詣博士受七經還以教授學徒鱗萃蜀學比於齊

魯又舊志云張寬司馬相如皆其高弟作禮殿立石經文教大行自湔江口分疏水道灌田三千餘頃民受其賜如李冰故稱蜀守者必推李文

董和字幼宰南郡枝江人也漢末和率宗族西遷劉璋以為牛鞞江原長成都令時蜀土富實俗尚奢侈貨殖之家侯服玉食婚姻送葬頃家竭產和乃惡衣疏食躬率以儉防遏僭踰為之軌制所在皆移風易俗畏而不犯蜀志

諸葛亮字孔明琅邪陽都人也為蜀相當北征時以都江堰為農本國之所資調丁千二百主護之且設堰官焉水經注：都江堰功小傳

王長文字德俊廣漢鄰人也晉元康初試守江源令縣收得盜賊長文引見誘慰時適臘晦皆遣歸家獄先有繫囚亦遣之謂曰教化不厚使汝等如此長文之過也臘節慶賞宜就汝歸上下善相歡樂過節來還當為思他理羣吏惶懼爭請不許尋有赦令無不感恩所宥人輒不為惡曰不敢負王君也

灌縣志

卷十五 政績紀

三

將喪去官民思其政華陽國志

高儉勃海蓀人

舊唐書

字士廉以字顯秦時李冰導汶江水灌田瀕水者頃千

金積久弊生民相侵冒士廉附故渠廝引旁出以廣溉道民以富饒新唐書本傳又

白敏中節度西川其治堰亦遵秦守舊法灌縣鄉志

班宏衛州汲人少舉進士為劍南觀察使判官時青城有妖賊張安居以左道惑眾事覺多誣引大將冀以緩死宏驗理而速殺之人心乃安舊唐書本傳又張

柬之擢進士第補青城丞以賢良徵試策第一舊唐書本傳

冉實字茂實河南人性仁愛除導江令政尚簡易閭境相歡聞於行道張說稱之曰子產祭遵不能過也光緒灌縣志

柳君慶乾符中為節度押衙青城鎮遏使推誠及物嘗以藥石救民之疾為時所重晉原賊帥韓球攻陷青城及猪草市柳為都鎮統所部救陶壩鎮為

賊所圍衆寡不敵猶有健卒十餘人擁柳突圍不果爲賊所害遠近莫不痛

惜錄異記新唐書通鑑

吳行魯唐僖宗時爲彭州長史從便革弊郡內既肅施及旁邑以唐昌縣中界接導江邛城東西綿遠昔之郵亭久廢效戴公行投告無所遂於其中置草市因鄉而名曰建德更以俸錢建亭置鎮抽武士三十人禦之盜賊竄伏

民賴以安光緒灌縣志

黃璟前蜀時爲導江令引北條河灌田數千畝民德之名其隄曰黃璟堰

俗

黃金璟沒於官因葬焉

新

宋璫字寶臣渭南人宋乾德中進士及第釋褐青城主簿遷屯田郎中知益州歲饑多盜璫以方略捕輯之皆帖服端拱初爲西川轉運使璫性清簡歷官三十年未嘗問家事宋史本傳祠邑名宦

灌縣志

卷十五 政績紀

四

劉綜字居正河中虞鄉人雍熙二年進士授永康軍判官代還歷太僕丞因言蜀地富庶寧謐已久益州長史當慎選其人上嘉納之未幾李順果爲亂

宋史祠邑名宦本傳

馮伉宋景德中知永康軍學行兼優爲政得蠻夷心璽書旌表四川通志祠邑名宦

呂大防字仲微京兆藍田人以著作佐郎知青城縣故事圭田粟入以大斗而以公斗獲利三倍民病不敢訴大防均出納以平其值事聞詔立法禁命一路悉輸租於官概給之青川外控汶川與敵相接大防據要置邏密爲之防禁山樵采以嚴璋蔽韓絳鎮蜀稱其有王佐才宋史本傳祠邑名宦

韓億字宗魏開封雍邱人知益州時疏九升江口下溉民田數千頃維茂地接羌夷蕃部歲至永康軍官場鬻馬億慮窺覘兩川奏徙場黎州境上

宋史本傳

又張詠守益州其治水沿秦法不變

灌縣鄉志

吳中復字仲庶興國永興人熙寧時并省郡邑以永康爲縣中復言永康上控威茂不可廢不聽後因夷擾竟復之

宋史本傳

趙不怠字仁仲宋宗室也紹興時知永康軍歲治都江堰籠石蛇絕江遏水以灌數郡田吏盜金減役夫堰不固而圯田失水歲累饑不怠躬操版築繩吏以法出令民業耕者田主貸之事末作者富民振之老幼病患者官爲醫

視全活數百萬

四川通志宋史宗室傳

俞汝尚字退翁湖州烏程人以進士知導江縣廉明清望革除積弊爲趙抃所推重新繁令卒使者俾承其乏將資以公田辭不許至則悉以周舊令之

家

宋史隱逸傳灌縣鄉志

家定國有智略永康軍司法參軍韓絳欲治西山道定國曰近夷恃險以安

灌縣志

卷十五 政績紀

五

塹爲坦途將有後憂絳然其言罷之

宋史

虞夷簡字希仁爲永康軍別駕以軍至導江凡二十里秋夏霖潦泥淖沒漆乃伐石甃塗夾植楊柳民甚便之有意免繩橋役未果而罷

光緒灌縣志

虞剛簡字仲易知永康軍奏免評事橋夫役除數十年弊百姓喜出望外爲立生祠於橋西祀大使安丙茶馬使張震及虞氏兄弟蓋皆有功於免役者

光緒灌縣志

劉隨字仲豫開封考城人以進士及第爲永康軍判官軍無城堞每伐巨木爲柵壞輒易以他木頗勞民力隨令環植楊柳數十萬株使相連屬以爲界限民得不困又夷人市馬納官苦吏誅索隨嚴按止之夷人由是戴之如父

宋史本傳

馬執中字權可蔣城人紹定間知永康軍興學置田以績階六品奏治行第

一四川
通志

王鵬事失考邑之祀賢良於祠者至宋始有其人今次於宋代之末焉

吉當普一作吉達布元統中僉四川廉訪司時灌州都江堰歷年蕩翳普鑄鐵龜以

鐵柱貫其中鎮之諸堰如制工成偃僊斯為之記民感其惠崇祀邑名宦祠

四川通志
清一統志

張宏為灌州判官時江水所過衝決大為民患有司以故事歲治隄防凡一

百三十有三所上下交病元統二年僉四川肅政廉訪司吉達布巡行周視

得要害處三十有二餘悉罷之召宏計曰若瑩以石則歲可罷民力可蘇矣

宏曰公慮及此生民之福國家之幸萬世之利也宏遂出私錢試為小堰水

暴漲而堰不動乃具文書會行省徵工發徒五越月而功告成元史河渠志
四川通志

李秉彝字仲常世家大都通州潞縣以陝西按察副使巡行灌州故有李公

灌縣志

卷十五 政績紀

六

堰當三江口遇水漂悍輒壞歲調夫修完民以為病為督有司堅築之三月

堰成自是水大則冒堰行無壅遏之患旱則濬以溉田至今利之元周馳閑
邪公家傳

趙世延字子敬其先永古特族人由紹興路總管改四川肅政廉訪使時曾

修都江堰以利民田四川通志
元史本傳

胡子祺吉水人明洪武中知彭州秦守李冰所鑿都江諸堰歷代皆用鐵石

為之甚勞費元季兵興堰廢子祺議以竹木代之工甚省而水亦無患彭縣志

夏填字宗成浙江天台人成化時巡撫四川以遠人赴都江工役不便將郫

灌雜派苛差均攤用水州縣專備工料以供堰務都江堰
功小傳

盧翊字鳳翀常熟人宏治庚戌進士歷御史出按四川兼視水利鑿都江堰

連歲大熟江南通志翊專修濬得秦人舊蹟織竹籠石以復歲修之制刻有治水

記灌縣鄉
土志

呂翀廣信永豐人宏治十二年進士遷四川副使修都江堰以資灌溉水利

大興

明史劉
激傳

余應柱幼孤事母孝知灌縣保民如子採山大役報成而民不擾蜀民頌之
邱翥巡撫四川於宏治三年奏設專官總領都江堰事都江治水之員由此
著爲令典

都江堰
功小傳

胡光安徽績溪人孝宗弘治九年由進士知灌縣留心水利冶金伐石因舊
址甃爲防貫以鐵柱三各長一丈二尺使當湍勢石隄中貫鐵處固以油灰
直長一十五丈高一丈三尺闊五尺首闊一丈二尺用鐵三萬三千餘斤一
時著有成效焉

都江堰
功小傳

光爲政嚴明廉正興學校毀淫祠民風丕變

舊志

祠邑民

宦

嚴時秦浙江餘姚人以副都御史撫蜀岷沱暴漲決田土漂廬舍因訪於高

灌縣志

卷十五 政績紀

七

韶韶曰是都江堰洶築之失宜也時秦即檄管帶水利按察司副使周相成
都知府孫宗魯選委成都通判湯拱督理堰工一如韶議明年夏江漲及舊
痕而止不復爲患

都江堰
功小傳

周相浙江鄞縣人管帶成都水利時奉嚴時秦檄與劉守德等勤襄厥事嗣
有知府蔣宗魯欲修秦守之政具事以請因與蔣相度地勢尋求故址得堰
之最要者九欲盡甃以石其堰當急衝則石外再護以石旋以他事去論者

踴其計而惜之

都江堰
功小傳

施千祥福建福州人嘉靖中提督四川水利以爲鑄鐵之功易於甃石乃檄
崇寧令劉守德灌令王來聘謀鑄鐵牛其費則議出公儲之應修堰者經畫
甚悉成鐵牛二首合尾分以其銳迎水衝高與堰首等復立鐵椿三株以
護魚嘴餘則仍竹籠也勒銘牛背曰問堰口準牛首問堰底尋牛址堰隄廣

狹順牛尾水浸角端諸堰豐須稱高低修減水坯治之日民環而觀者歡聲雷動皆曰此吾子孫百世之利也

都江堰
現小傳

劉守德官崇寧知縣時佐周副使施僉事治水移石浚沙鑿江至底密植柏椿堅築以土橫鋪木而甃以石條鈴以鐵釘更鑄鐵爲底作牛模其上同施千祥張仁度王來聘誓告江神及李冰祠乃鎔鐵以注模凡用鐵六萬七千斤而牛成其宣力堰務者以守德爲最

都江堰
現小傳

朱祐賓明宗室封益端王正德間盧翊修都江堰遵秦守遺制用竹籠祐賓因啟蜀王得歲助青竹四萬竿以給用子厚疇於施千祥鑄鐵牛時復助鐵萬斤銀百兩遣長史李鈞齎幣帛羊酒勞諸執事犒賞工役有差

都江堰
現小傳

郭莊字子莊徽州人萬曆間以御史巡按四川江大溢堰盡壞成都知府徐元氣灌縣知縣蕭奇熊列狀修復莊命於鐵牛外增鐵柱尋牛址而濬之自

灌縣志

卷十五 政績紀

八

堰以下如虎頭崖五陡口諸要害復植三十鐵柱樹柱以石護岸以隄水遇重則力分安流則堰固水利僉事杜詩悉心區畫費金三百有奇溉田萬頃

都江堰
現小傳

周宏迪麻城舉人嘉靖末知灌縣政尙嚴明猾吏豪民不敢肆

舊志

祠邑名宦

周嘉謨字明卿漢川人隆慶五年進士萬曆十年遷四川副使撫白草番督

兵邛州灌縣皆有方略

明史
本傳

張愷雲南人以歲貢任灌縣訓導立教嚴明奉檄修理北城工作堅實至今賴之

舊志 祠邑名宦

羅樹聲字伯實麻城舉人萬曆十六年知灌縣以清敏著績西征之役軍需旁午供億不缺而閭閻安堵又創建觀風樓頗擅形勝後升任西安郡丞

舊志

祠邑名宦

年夏霖雨彌月山水泛溢人字堤三泊洞河口悉被冲决爲捐俸修濬之水

循故道舊志

譚璉廣東人清進士雍正三年知灌縣端厚廉明兼攝郵崇篆事必躬親政

平民悅人咸頌之光緒灌縣志

高蔭爵字澹菴漢軍鑲白旗人由蔭生歷任四川松茂道按察司僉事康熙

五十五年疏濬都江堰有裨水利舊志

憲德蒙古正白旗人雍正五年以都察院巡撫四川先是都江堰歲修照田

攤派每苦不均乃奏請酌定遂無畸輕畸重之弊舊志

碩色滿洲正黃旗人巡撫四川歷來都江堰淘修工費均派自用水糧民自

乾隆時撥給帑金俾州縣免捐而外江之石牛黑石等堰竟漏未報乃於乾

隆六年奏歸都江堰工程支帑免派舊志

灌縣志

卷十五 政績紀

十

李雲繡直隸長垣人以進士出任知縣乾隆十三年權灌篆政尙平恕時有

西征之役民不知兵題陞眉州仍留縣任以勞卒於官民咸哀之光緒灌縣志

嘉慶滿洲鑲藍旗人知灌縣事明於聽斷奸猾斂跡建武廟遷書院修城垣

多所規畫氣象一新光緒灌縣志

王宓山西安邑人以進士知灌縣輕徭省刑特捐銀三千餘兩培葺文廟宮

牆煥色邑人肅觀聽焉光緒灌縣志當時用兵金川灌當衝要宓架橋平路飛輓便

捷於役夫體恤尤殷民歌頌之山西通志

姚令儀字心嘉江蘇婁縣人在川三十年諳於利病任成都府鹽茶道時修

葺江堰清釐鹽課人多都江堰功小傳

黃廷桂字丹崖漢軍錢紅旗人兩督四川體國奉公不遺餘力尤殫心水利

奏飭通省仿都江堰法勘修塘堰於是彭灌等十州縣悉成腴壤都江堰功小傳

滕兆燾關東人隸漢軍正白旗乾隆二十八年知灌縣事汪松承安徽休寧人乾隆三十年任水利同知均留心堰務以離堆水則年深剝落其六畫高低難辨山水暴漲則丈尺茫然議新之伐石較準鐫爲十畫立於古水則旁以便測知水量消漲又以都江堰河底有臥鐵一條誌淘灘之規則每歲安放無定乃增置丁字鐵椿一鐵柱一次年淘灘仍不識向趾乃加長鍊縛鐵柱使無移動豎石北岸鳳棲窩爲標記於是丈尺瞭然矣都江堰功小傳

林儁字西崖江蘇人知成都府事歷歲監修都江各堰通濟農田或雨澤愆期躬親步禱不辭勞瘁云都江堰功小傳

阿爾泰滿洲正白旗人總督四川時以都江堰每歲淤塞由堰底不堅故乃令視往歲加深三尺堅築石壩於堰底令沿山一帶上游築堰蓄水以備春耕民利賴焉都江堰功小傳

灌縣志

卷十五

政績紀

十一

孫天寧奉天承德舉人三次爲灌令於乾隆間鼎新文廟創修縣志保卓異

光緒灌縣志

徐鼎知灌縣事惠育士民訟無久稽人稱徐青天時教匪猖獗以徐良吏相戒不入境鄰民暗遷界碑冀得免難又捐俸二百餘金增義學田以宏教育

光緒灌縣志

蔣攸銘字穎芳嘉慶時調四川總督都江堰工自乾隆以來迭次增修公費漸絀攸銘厘民瘼奏將濟田租穀每歲變價解司酌補經費民力以紓都江堰功

小傳

李桂林以庶常改官知縣事時以岷江書院在東門外車馬喧闐不可以處乃謀遷於署之北隅士得優游絃誦焉光緒灌縣志

強望泰陝西韓城人以進士入官任成都水利同知凡八次每歲興工必親

視察雖嚴寒風雪不辭勞又捐俸建文翁祠民懷其德亦相與祠之歲時祭祀如文翁都江堰功小德大並述其惠政勒諸祠壁

周因培為灌令居官廉正罔或干以私尤精堪輿修復奎光塔以補城東南缺陷邑之形勢愈壯光緒灌縣志

劉伯英權灌篆邑當衝繁舊有流差夫馬承辦者往往破產伯英察知病民急裁其役人皆頌之光緒灌縣志

蔡成輅道光十八年為灌令歲大饑發倉勸糶且賑粟鄰封以濟之全活甚衆民思其德為建嘉禾亭光緒灌縣志

英啟於咸豐間在灌任時禍亂方亟能摧除強梁督練團勇滇寇亦畏其鋒灌縣鄉土志

王世勳令灌時地方命案嚮取資於地保奸胥猾吏藉此漁利重為民困乃

灌縣志

卷十五 政績紀

十二

為酌定章程創設三費局抽徵猪羊牛釐以供支應民得不擾光緒灌縣志同志甲

子歲荒漩口鄉山深地瘠饑尤甚世勳與寨子坪汎黃天相移社穀平糶盡力勸捐得三百餘金設米麵粥廠各一全活甚衆新采

李天植宰灌邑中社濟倉租息嚮在縣署官吏侵蝕民間賠累習以為常天植遵奏案俾民自經理官吏不得染指增產儲穀災益有備以勞卒官民咸思之光緒灌縣志

柳宗芳以進士宰灌課士如師興義學四十餘所貧民子弟咸得誦讀又給膏火以濟寒峻至修築玉壘關補東北城垣設義塚關馬牆裁革流差弊政皆惠澤之所留也光緒灌縣志

恆保姓覺羅氏清道光末在灌縣任弭盜安良作人造士案無留牘邑少冤民又議培修聖廟試院興舉廢墜士民感之咸豐元年為建勤政坊於東門

外官道新采

史致信浙江餘姚人久宦蜀中道光間任灌令慈惠愛人灌瀕江爲川西衝要每有浮尸路斃胥役恣要挾民甚苦之致信飭保甲勘明即瘞有傷請驗亦省夫馬勿浮派人民建碑頌德顏曰甘雨亭新采

馮紹俊宰灌時邑舊無試院每考生童即在公堂左右紹俊以局試無所非所以昭重典乃倡募修葺之新采

楊若黼爲邑宰明於聽斷每遇懸案必捐俸勸息歷年約費千餘金並修葺文廟灌人士交頌之新采

錢璋於同治時宰灌丙寅丁卯間大水堰決南江尤受其害璋不辭勞怨開濬河道於繩橋下游西岸成隄三百餘丈光緒灌縣志並會崇慶州捐助保護柴家

坎湯家灣等處身自督工載酒慰勞民德之稱曰錢公隄又於農壇灣築羨

灌縣志

卷十五 政績紀

農隄二百餘丈云

胡圻爲灌令同治甲戌山匪嘯聚急蕩平之大府嘉其能留任一載又濬離堆增奎閣築江堤添建考棚捐置義塚並詳減捐輸實惠及於民光緒灌縣志

完顏崇實滿洲長白人同治間以成都將軍署川督軫念都江水災據情入告嗣得灌令揚若黼詳以濟穀息銀請賑又經奏可在將軍任時有重建王

廟之役因都江故祠專祀二郎而附其父冰於後寢也咸豐間學使何紹基疏請更正祀典格於部議至是歲乙丑春屬成綿龍茂道鍾峻藉勘堰之便

用謀改作遂就伏龍觀原圮基址建通佑王專祠而以二郎配享檄灌令李天植楊若黼錢璋水利廳丞吳寶林曾寅亮暨邑紳蒲鑫賢等董其事飭用

水州縣捐資始同治四年二月翼年三月落成因自爲記都江堰功小傳曾寅亮湖南黔陽人署成都水利同知與修王廟其利民尤在二隄一日千

金在舊作人字隄原址一日玉帶在灌治東北隅蒲陽河東岸築於同治丁卯各長三十丈適當要害水得以就範圍都江堰功小傳

黃毓奎湖北鍾祥人以拔貢官四川同治末署灌縣適大水汎濫新渡口西岸壞田廬甚衆毓奎為募捐於縣西南修築岷江隄犯霜踐露功賴以成計長一千餘丈都江堰功小傳

王宮午以進士官蜀有吏才宰灌時津捐積欠凡數萬金不忍民受賠累詳大府得豁免並捐募修太平玉帶二橋行旅便之光緒灌縣志

鄧元鏞為灌令勤於捐捕盜賊潛蹤聽斷嚴明案無留牘去後人有餘思焉

光緒灌縣志

吳棠安徽盱眙人同治末年任四川總督以灌縣頻年被水堰費不足因酌加工銀萬數千兩隨時增省民皆得慶安居光緒灌縣志 都江堰功小傳

灌縣志 卷十五 政績紀 十四

陸葆德以翰林外任在灌時嚴厲有威強暴斂跡督修都江大堰不憚寒暑邑南門舊無橋為創普濟橋以便行人捐金數千得以告成光緒灌縣志其督堰工

時遇浮議輒鎮之以靜輿論都江堰功小傳

莊裕筠字子佩自先緒丁丑淘修都江堰後洞悉河工原委故兩署水利同知修淘皆合度丙戌建灌篆強暴斂跡並捐俸以成邑乘焉光緒灌縣志 都江堰功小傳

丁寶楨字穉璜貴州平遠人督川時不避嫌怨復都江堰故隄還民田數十萬畝裁減夫馬民困大蘇凡勘修堰功十二次以舊制竹籠不堅欲易以石隄為一勞永逸計奏發帑金大興工役隄雖旋圯民深感焉灌西之新渡口水勢無定冲沒田廬幾成澤國寶楨派兵沿西岸作長隄數里水患稍息令遺址猶有存者都江堰功小傳

劉秉璋字仲良安徽廬江人督川時適都江大工頽壞莊裕筠有所規畫秉

璋力爲主持仍用竹籠古法民賴以安

都江堰 功小傳

何念慈宰灌時太平場鹽梟斃官兵川督震怒命華陽令張繼率兵至居民大恐念慈爲陳顛末首禍者實僅數人且兵未奉調咎由自取侃侃力爭張亦動色卒刑數人而案結不畏強禦民皆稱之又捐一百四十兩以益書院

冬課新 采

王瑚字鐵珊以翰林宦蜀由慶符調署灌縣清廉勤儉專務以德化民不嚴刑而四境肅盛夏江漲安瀾橋岸圯親往挽繩暑不張蓋崇義場教案大府責民賠償屢稟抗爭且言罪在官不在民必欲賠償以一官抵質可也調署綿竹民苦留不得瑚亦棄官去

采新

陳偉勳字山銘河南郟城人以進士宦蜀爲灌令明於聽斷案無留牘尤喜獎勵後進邑中月課前吏皆循故事偉勳獨捐廉給獎嚴定甲乙勉以上達

灌縣志

卷十五 政績紀

十五

文風爲之一振焉

采新

吳之英字伯竭名山人以優貢官灌縣訓導爲人和易而峻潔學尤深邃卓然成家迥邁流俗居官廉介訓迪學子文行兼備獲益者多蓋不徒以言教

也

采新

喇世俊甘肅舉人爲灌令時寬厚愛士政平訟理不務名而自治秦宗藩性亦愛士嘗贈秋闈卷費整飭團防地方寧謐

采新

何廷璐字伯璉雲南人治灌有聲縣屬竹園當者舊例以糧民輪充當首承辦堰工籠竹官價不敷每致破產廷璐廉得其情光緒三十二年爲稟大府注銷前案攤款於用水州縣竹歸官辦至今便之

采新

向遠源爲灌令聽斷聰察民無遁情審於用人夤緣者無術以進尤勤民事邑西橫山堰農人爭水構訟親往勘驗反覆譬曉兩造皆釋爭而去

采新

劉心源湖北嘉魚人清光緒二十八年知成都府會匪吳直三汪老九帥大旗等由溫邨入灌紛擾兩河心源率隊馳至檄汎勇鄉團會勦賊始平時有潤之者以善書游食四方土橋之役官把總陷重圍任領旗被獲潤之力救護皆得免新采

楊錫澍字克純貴州拔貢爲吏有膽識灌民某甲依教通匪惑不畏法深夜提訊某猶狂詈遽誅之及曉緩頰者至已陳尸於市矣光緒癸卯歲饑設粥廠賑濟多所全活民爲之建遺愛坊新采

張溥字時園甘肅舉人爲政嚴恭有威不苟言笑疾惡如仇而又愛士如寶姦宄無或倖免端人則禮遇必隆數月士氣伸張宵小斂跡且籌辦新政事必躬親灌城南之實業所與農會其所成立也新采

傅策賢於民國元年知縣事時方亂後盜賊公行魯璋短衣草履四出搜緝

灌縣志

卷十五 政績紀

十六

有盜聚灌西山中冒雨往捕適溪水陡漲幾陷不測卒擒賊歸旋以審案不

慎誤殺良民革職新采

楊誠恭閬中舉人畢業京師大學因變回川攝灌篆爲人心細尤重視教育

雖在官不久民已隱受其福云新采

楊端宇字宙平西昌諸生性質直寡言笑爲政不尚浮飾尤關心學務時至校召集生徒諭以讀書明理思不出位在灌二年治匪修河辦學俱著政聲

新采

盛一晉字毓麟江西武生民國八年知灌縣事善治匪能聽訟發奸摘伏人不能欺時盜風熾甚恆率隊蹤跡之遇人衆輒曰此中有匪窺其神色即密尾以行往往獲真犯民爲建勤政坊焉新采

陳驥字學癡巴縣人民國十一年權灌篆明於知人尤勤緝捕後爲營長率

隊游擊屢誅巨猾有股匪夜過中興場突被掩襲遂奔潰采新

葉大鏘字劍鳴任灌縣知事以團務廢弛款多虛糜因改常練爲模範隊並趨重門戶練附加團款增購槍枝用收指臂之效縣屬市政亦經創辦又以大江介崇義中興三陽間林藪茂密易藏匪擬開拓以清盜源旋以移防去任邑人惜之采新

蘇德峻字鶴舫民國十五年由駐軍委知灌縣事時軍征繁急委員某載款過金馬鄉匪劫而斃之德峻同參謀某往勸民團以爲官至整隊出迎兵突轟擊力阻不聽良民死者數人反謂民變德峻抗爭理不得直遂憤而棄官聞者偉之采新

游道本永川人民國十五年八月駐軍委知灌縣事下車即辦民團躬親督練於城北校場開觀摩會至者五千餘人勵以金銀獎章民氣爲之一振太

灌縣志

卷十五 政績紀

十七

平場民團隊長鍾某爲強梁所逼投河死道本爲之流涕復以金馬鄉提款委員苛急讓費不得安於位民惋惜焉采新
蕭克昌攝灌篆爲人坦率而實心任事民有訟爭立爲剖析嘗獲劇盜挾金求恕竟戮之采新

官興文於民國十四年任水利知事時財政紊亂經費奇窘彌縫補苴頗有成效太平將軍諸堰功皆出新意能垂久遠最著者爲新工魚嘴清光緒間丁督經營未能奏績興文盡力規畫閱數年而歲事惟水勢湍急漸趨內江堰亦難固後來者宜調劑之采新

張希鑾字鑫元新津人清末諸生民國二十一年署灌縣長富責任心勇於任事是年六月二十六日匪徒楊富全羅澤謝紹成沈祿高等乘學校放假陰使人引誘學生至西門外安瀾橋劫去廖從麗廖從俊陳宗藩楊正清黃

歡等五人楊黃於中途逃遁餘無蹤跡事聞縣府即令團隊堵截翊日黎明
鑫元率同保衛副團長賈開第親赴河西督丁搜捕匪驚遠徙尋蹤追擊生
擒要匪數名學生皆脫險是役也希鑿歷盡荒山窮谷泥淖雨淋凡四晝夜
民衆歡忭迎歸競稱頌之新采

范天烈永川舉人嫻於吏事宰灌時征斂雖急尙得民和有某甲夤緣公務
進苞苴堅卻之當此貪墨風熾而見得思義亦卓矣新采

贊曰設官所以衛民居其職者敬其事無大小一也况邑宰爲親民之官得
失利病萃於一身其任不尤重哉顧俗吏但知迎合汗吏惟利是圖諸賢先
後其間獨能矯然自異鐵中錚錚衰世所寶春秋之義善善從長非以其爲
民命所關乎嗚呼往者既收名實去矣抑正有望於後之來者也

灌縣志

卷十五 政績紀

十八